

С. Я. Маршак нима Коми Республикаса
челядълӧн национальной библиотека

Нюмсер куд

Челядълӧн гижӧд ӧктӧд



ООО «Издательство «Кола»
Сыктывкар
2014

ББК 84(2Рос=Коми)

Н 00

*Небӧгсӧ лэдзӧма Финляндияса
М. А. Кастрен котыр отсӧгӧн*

Н 00 **Нюмсер куд** : челядълӧн гижӧд ӧктӧд / Сост. А. Н. Нестерова; Нац. дет. б-ка Республики Коми им. С. Я. Маршака. – Сыктывкар: ООО «Издательство «Кола», 2014. – 60 стр.

Гижӧд ӧктӧдсӧ лӧсьӧдіс:

*Нестерова А. Н., С. Я. Маршак нима Коми Республикаса челядълӧн
национальнӧй библиотекаын краеведение да коми литература
юкӧдын методист*

*Небӧгсӧ серпасалісны Сыктывкарса
«Радужка» школа-студияын велӧдчысьяс*

ISBN 978-5-9905724-9-2

© Нац. дет. б-ка Респ. Коми
им. С. Я. Маршака, 2014

© Нестерова А.Н., составление, 2014

© Беллон М., оформление
обложки, 2014

© ООО «Издательство «Кола», 2014

Водзкыв

С. Я. Маршак нима Коми Республикаса челядълөн национальной библиотека пуктö ыджыд вын енбиа челядъкöд уджалöмö. Кывбур-висът гижны босьтчысь челядлы нуöдö конкурсьяс, нималана йöзкöд аддзысьлöмъяс, коми небöглы да чужан кывлы сиöм уна сикас гаж.

2014-öд воын библиотека бердын лои котыртöма «Томöсь да енбиаöсь» челядлысь гижöда кыв сöвмöдан мастерскöй. Медводдза аддзысьлöммыс вöлі став мирса поэзия лунö — буретш сэк лои котыртöма Кывбура ичöt марафон. Рака тöлысь 21-öд лунö библиотекаын чукöртчисны ныв-зон, мед лыддъыны видзöдысьяс водзын ассьыныс медводдза гижöдъяснысö. Быд кывбуралысь пуктыліс сылі гөгöрыс уна рöма шарп — поэзия лунлысь аслысыама символ.

Мöд ыджыд паныдасълöм вöлі ода-кора тöлысь 19-öд лунö. Библиотекаö чукöртчылісны литератураын медводдза воськовъяс вöчысь челядь. Накöд лои нуöдöма воркшоп — мöвпсям да гижöда кыв сöвмöдан уна сикас удж. Воркшоп дырйи челядъкöд сёрнитісны Россияса гижысь котырö пырысь Елена Афанасьева, Коми Республикаса том войтырлөн «Йöлöга» газетын шөр редактор Галина Макарова да финн-угор войтыр пöвстын нималана серпасалысь Юрий Лисовский. Челядъкöд аддзысьлісны и том гижысьяс: Алёна Шомысова, Любовь Ануфриева, Ольга Баженова, Юлия Нефёдова да Алёна Старцева.

«Томöсь да енбиаöсь» мастерскöйлысь зільöмсö сигöртны отсаліс Финляндияысь М. А. Кастрен котыр, сылөн сьöм вылö и лои лэдзöма челядлысь тайö гижöд öктöдсö. «Нюмсер куд» небöгö пырисны енбиа коми челядълөн кывбуръяс да висътъяс. Коми Республикаысь шөр да гырысь классын велöдчысь ныв-зон юксöны тіянкöд, том лыддъысьысьяс, асланыс радлунöн, петкöдлöны чужан му да чужан кыв дінö муслун, козьналöны шоныд нюмысö.

Библиотека пöся аттьöалö Финляндияысь М. А. Кастрен котырöс ыджыд отсöгысь да Сыктывкарса «Радужка» школа-студияын велöдчысьясöс небöгсö серпасалöмысь.

Вавилова Виталина

Көрткерөс районса Шойнаты сикт

Еджыд төв

Төв... Син водзё сувтё мича серпас: чёла сулалысь еджыд платтьоа пуяс. Найо быттё полёны қодзыдсьыс. Та вёсна и пасьтасьомаось, коді кыз вермёма: кодкё сарапана, кодкё кыз пася, кодкё еджыд чышъянён вевт-тысьома. Видзёдан да нимкодсян — ёна жё и мича! Синтё гажөдө. Гөгөр ставыс сэтшөм еджыд-еджыд, сөстөм-сөстөм, мый и лов вылад тшөтш лоо югыд, сөстөм. Татшөм мича серпассьыс чужө радлун.

Дивө босьтө — Көдзыд пөль өти пөлөс рөмнас серпасасьо сідзи, мый аддзывлытөм мичлуныс дыр кежлө кольо паметяд...



Серпасыс Рафикова Шохсанамлөн

Гилева Анастасия

Удора районса Важгорт сикт

* * *

Тэ быттё еджыд лым,
Коді вольсассьёма менам пельпом вылө.
Тэ быттё абу, но век орччөн...
Тэ войся енэжын кодзув,
Весиг пемыд кадö меным туй югдöдысь.
Тэнад лолыд — югидвиж кор,
Пуысь öтдортчöм и
Сэтшöм кокниа лэбалысь...
Татшöм кокни и тэнад мөвпыд,
Но пыдіас ёсь вежöртас нуысь.
Тэ войвывса төв, коді
Велöдіс кывны олөмсö быд боксянь;
Петкөдліс сылысь гугсö,
Медым аддзыны пытшкөсса эрд.
Но быд олөмлы воас пом...
И тэ, роза — дзоридз моз,
Ньöжйö косьман öшинь дорын,
Но менам сьölөмын колян век
Ыпъялысь дзоридзөн.

* * *

Бидöнын эм би,
Мый ыпъялө пыдіын.
Но öти здукö сыысь кольö сöмын кинь...
Шоныд лоö көдзыдөн,
Кынмөм сьölөм тырö лекторйөн,
И дой чашкөдö ловтö...

Кытысь тайӧ здукӧ чукӧртны вын,
Ставсӧ вунӧдны,
И... выльысь ловзьыны?...
Биӧн?...

* * *

Син водзӧ сувтіс лун, кор ме ог ло:
Ме вуджа кокни лолӧ
И выльысь чужа кодлӧнкӧ нылӧн.
Ме кӧсья, мед эськӧ сійӧ здукӧ енӧж вӧлі лӧз...
А шонді сяськйис асьыс югӧрсӧ му пасьта.
Ме вошта асьым сер и
Лоа еджыдӧн...
Ӧд ме восьлала енӧжӧ кайысь туйӧд,
И быд здукӧ ме лоа матӧджык шонді дорӧ.
И туйыс абу кокни, но
Олӧмам мунтӧм ордымъясыс
Бергӧдчасны мелань бӧр...



Серпасыс Малютина Анастасиялӧн

Зайкова Татьяна


Куломдин районса Мыс сикт

Төвсә гөсьт

Асыт. Талун садьмөдіс төвсә шонділөн югөрыс. Сійө, быттьө мелі мамукөй, малыштис чужөмбанөс да небыдика шыасис: «Чеччы, донаой! Сөрнин». Эз на вөв окота петны шоньд вольпасысь, көсйиссис, медым югөрыс дыр на ворсөдчис чужөмбанын.

Быть ковмис чеччыны. Полөмпырысь матыстчи өшиньлань. Аддзөмторсьыс шемөсми! Ывлаыс гөгөр еджыд, быттьө кутшөмкө мойдысь торъя юкөн серпасалөмаөсь. Көсйи котөртны ывлаө, уськөдчыны да сывйыштны медводдза лымсө, коді, гашкө, медся небыд юрлөссьыс на муса тайө кадас. Но сідзи эг и вермы вөрзбыны места вылысь — видзөдласөй сыліс ичөтик еджыд бобувъяс пиас. Дыр сулалі... Сөмын сәки кадсө казялі, кор синъясөй югыдысла тырисны синваөн. Надзөникөн пысьтисны йөз. Найө, тәрмасьөмөн мунігмоз, жалиттөг таялісны да лойисны виччысьтөм козинсө. Көсйи нин горөдны өшиньөд: «Энө торкөй мичсө! Сувтөй!», но нем виччысьтөг осьса өшиньөд пырис ичөтик гөсьт — лым чир. Гашкө, көсйис шуны: «Тадзи колө! Мед». Сәсся пырысь-пыр сылі менам ыпъялысь кыын.

Ывлаыс бара пемдіс, няйтчис. Рытнас эз нин кыскы өшиньлань. Синъяслы дышөдіс видзөдны быдлунъя гажтөм серпассө.



Серпасыс Терешко Дарьялөн

Мөвпъяс

* * *

Сэки, кор ывлаыс лөнь и сынөдыс шоныд. Сэки, кор узыё на аслас воль-пасын шонді. Сэки, кор оз на дзользыны посни лэбачъяс. Сэки и чужан-ныд-быдманныд ті, менам шуда мөвпъясой. Ёнманныд-сөвманныд и кыпөд-чанныд водзё, мөртөн ветлытөминъясё, вөр-валён гуся позъясё, аддзысь-ланнид шуда олөм чужтысь-быдтысьяскөд. Быд мичасё да югидсё чукөртөм бөрын бөр меланё бергөдчанныд. Ки-коклы козыналанныд гуся вынъяс, шуда олөмлысь көйдысьяс. Садьма да нюжөдча сэки, кыла ачымөс кола-наён, бур чужтысьён, шуда олөм серпасавны вермысьён...

* * *

Пемыд. Но тані, нинөмас, и чужам ми, муыввса олысьяс. Дыр ветлөд-лам кималасён, век мыйкө корсям, туналам. Коркө өд садьмам жё, мын-төдчам тайё черань везсьяс. Ясыда сувтам югид туй вылө, ёся видзөдлам водзё да мөдөдчам бурлань. Быд сьөкылдун венөм бөрын воам сэтчө, шонділөн оланінө, Мулөн артманінө, быдлунъя гожөмө да векся шуда олөмө. Зумыда тувччам сэтчө да лоам медводдза шорнас, медводдза шонді югөр-нас, медводдза усьөм корнас, медводдза лым толанас...

* * *

Туйяс. Помтөм туйяс вуджралёны юрын. Кытчө сетчыны — ог-төд. Но өд көнкө найө ийтчасны да артмөдасны өти туй. Сійө туйнас и лоам ми тэкөд, сэтшөм жө помтөмөсь. Миян ловъясным кыпөдчасны вылө-вылө, помасьлытөм енэжө. Тэ да ме ог нин лоёй Му выв олысьясён. Таысь неуна шог. Но век жө, ми тэкөд артмөдам енэжын выль кодзув, лоам асья шонділөн югөрөн, войся төлысьлөн видзөдласён, ичөтик пелькиник бобулөн. Ми лоам ас коддьомаяслы коланаён, кутам отсасьны налы венны став сьөкылдунсө. Ми индам налы колана туй, веськөдам сьөлөм билань...

Иванова Виктория

Луздор районса Мутнича сикт

Быд керкалөн аслас судьба

Ар. Көдзыд зэр. Машинаөн баты катөдө школаөдз. Видзөда өшинь. Туй пөлөн сулалёны керкаяс: ыджыд и ичөт, важ и выль. Коми войтырыд выль керкаясто лэптө мичаөн, торъя нин өнi: өти и кык судтаа, вундалөмөн мичмөдөм өшиньяса, мансардаа. Но уна лой сиктын и овтөм керка. Найө вежыньтчөмаось, мукөд керка өшиньяссьо тувъялөма пөвйөн, да найө сулалёны быттьө пöрысь пöчöя. Видзөдан на вылө, и сьөлөмтө пыдзыртө. Лунтыр дум вылысь аз вунлыны тайö керкаясыс. Рытнас водз и унмовссьома...

Быттьө петі гортись. Ывлаын ыркыд, енажын зэв мича гөгрөс төлысь, кодзувъяс дзирдалёны. Яр төлысьыс ывласö югзьөдө. Но мый тайö? Ме эг төд ассым сиктöс — тані ставыс вöлі вежсьома. Керкаяс вöліны кокъяс вылын, быттьө мойдын. Найө мунісны радөн-радөн. Ме любөпырысь куті котөртны на бöрся. Кытчö найө мөдөдчөмаось?

Коркө-некоркө вои кыр йылö, көні чукөртчөма зэв уна керка. Вөлөмкө, тані сиктса керкаяслөн скод. Татшөминад өд позьö быд мытшөд венны. Чошкөді пельöс да куті кывзыны, кутшөм төжд эм керкаясылөн.

И со петіс өти керка, абу зэв джуджыд и абу зэв ыджыд. Заводитчис сёрни-басни:

— Важөн нин менö лэптисны менам көзяева, да друг оломаныс мыйкө торксис, сідзи и сулала тыртөм. А кутшөма көйи овны ыджыд пачысь петөм чөскыд көра пирөгъясөн, шоныд паччөрөн, посни челядьлөн ворсөмөн-чилзөмөн, гидын пемөсъяслөн баксөмөн.

Тані мөд керка петіс:

— Ме энөвтөм жö вöлі, да локтисны карса йөз, кутісны корсьны оланін. Карас пö сынöдыс ёна сьökыд, лолавны нинөмөн регыд лөö. Сиктса йөз менö и вöзйөмаось. Көзяиныс ёна нин мастерөвöй. Чукөртіс ёртъяссьо, бурмөдіс өшинь ув му, вежис куриच्याс, дзоньталіс вевт, да ме быттьө вылысь ловзи. А көзайкаөй кутшөм пельк! Керка гөгөр некутшөм петшөр



Серпасыс Малютина Анастасиялөн

ни ёг он аддзы. А дзоридзьясыс! Ме ёні ылысянь тыдала, миянё уна гёсьт-гёсьтя волывлёны, муса кёзьяйкалысь банийом шаньгаяс сёйёны, сэтёра пось тшай юёны.

Унатор на ме кывзі, быд керкалён, вёлём, аслас оландыр. Но тані тор-кис менсьым унмёс мам, шуё, чеччы пё, школаё колё мунны.

Ме зэв ёдйё чеччи, видзёдлі ёшиньё. Сэні ставыс вёлі важ моз. Мёвпышті ас кежысь: сідзкё, и керкаяслён судьбаыс, мортлён моз, овлё быдсяма — кодлыкё шудаджыка овсьё, а кодлыкё и оз...

Игнатова Дария

Кулөмдін районса Помөсдін сикт

Ме ола тан...

Ме ола сэн, көн шонді югөр шонтө...
Көн қыла чеччан здуксянь лэбач сьылөм.
Ме төда: тайө мулы абу ковтөм!
И кута овны. Сьөлөмөй тадз кылө.
Ме кола батылы, кола муса мамлы,
Ме кола воклы, весиг понлы-каньлы.
Ме ола тан, и каитчөм оз ло.
Ме ола тан. Мед ола — уна во.

Озыр кыв

Ылөдз паськөдөма сыв
Озыр, сөстөм коми кыв!
Ме тан чужи... коми ныв...
Кыз он радейт ассьыд кыв?

Коми кывйөн чипсө кай,
Шуө: миян муным рай.
Вөр пасьтала коми шы
Разалө со, быттё гы...

Вөр

Мича жö нин парма-вөр!
Пыран кө тэ сэтчö,
Он тай көсйы петны бөр...
Сьölöмыд пыр чеччö!
Кодзукотыс парма тыр
Аслыс карсö вöчö.
Мырсьö-котралö лунтыр,
Ветлөдлö тай, жөдзö...
Сьылö лэбач аслысног,
Абу сьылөн полөм.
Быдөнлөн со — аслас нок.
Быдөнлөн — ас олөм.



Серпасыс Малютина Анастасиялөн

Шонді

Шонді чеччö медся водз.
Босьтö кias югöр содз —
Мыськö гөрдов чужöмбан:
— Тырмас узыны! Асыв тан!
Чеччы, мортöй, гортсьыд пет,
Уджтöг кынöмпöт оз шед!
Воис турун пуктан кад,
Прамöй мортыс сылы — рад!
Он и тöдлы, локтас зэр.
Оз тай юась, нем он кер...
Тіян понда вися со
Лыдтöм-тиöттöм уна во!

Гортöй

Дона гортöй, олан гортöй,
Муна мöдлаö кö, сэк...
Сьöлöм öтарö век бöрдö...
А кор пыра гортö ме —
Сьöлöм вашъялö да сьылö.
Радейта ме ассым горт.
Медым тыр-бур олö-вылö
Менам гортöй — медбур ёрт.

Игнатова Олимпиада

Кулөмдін районса Помөсдін сикт

Коми му

Коми му... Тэныд, надейтча, кола.
Тані быдми ме. Тані и ола...
Ылі муясö некор ог мун:
Аслам олöмын дона быд лун.

Чужан местаын сöстөм на юыс.
Пыр на ловзыйлö тулысын муыс.
Эз на чусмыны ваыс да вöрыс.
Эз на курыдмы чужан му көрыс.

Уджач морт

Уджач мортыд — медея ён!
Сылөн ставсьыс ыджыд дон.
Уджач мортыд пырджык рам,
Юр выв тыр көть сылөн сям.

Уджач мортыд — авъя, мыла...
Сылөн ноксьөм ылөдз кылө!
Уджач мортыд — ставлы ёрт.
Оти кывйөн кө, — бур морт.

Тулыс

Сьӧлӧм менам радлӧ-сьылӧ,
Лӧбач дзользьӧмсӧ кор кылӧ.
Тулыс локтӧ. Вӧр-ва ловзьӧ.
Тӧлыс, мӧдар, — шогсьӧ, повзьӧ!
Лӧгалӧ тай тулыс вылӧ,
Скӧрыс сылӧн ылӧдз кылӧ.
Вынӧй, шуӧ, пыр на уна,
Энӧ вӧтлӧй, ог ме мун на!
Сӧмын тулысыдлӧн выныд
Ёна унджык тӧлысь.
Кыныд
Танӧ некодлы оз ков!
Петав, шондӧ! Шонты лов...



Серпасыс
Малютина
Анастасиялӧн

Игушева Кристина

Корткерӧс районса Ыджыдвидз сикт


* * *

Мый йылысь сьылӧны лэбачьяс

Медбӧръя луно тӧвлы:

— Ми ловъяӧсь, ми садьмим!

Ми ловъяӧсь, ловъяӧсь ми!



Серпасыс Лыткина Анастасиялӧн

* * *

Тӧлыс мыйкӧ сӧрмис:

Лымйыс абу ни вывсянь, ни кок улын.

А, гашкӧ, тӧвсӧ сӧмын вӧталіс

Лымныв.

Шога видзӧдӧ ӧшиньӧ,

Сьӧлӧмыс лым чир моз сылӧ —

Войталӧ кильчӧ вылӧ

Кодзула зэр.

Косолапов Валерий

Луздор районса Мутнича сикт

Быд кадö Мутничай мича

Ме ола зэв мича сиктын — Мутничаын, республикалön лунвывса оланінын.

Быд кадын: тулысын, гожöмын, арын, тöлын сіңö аслыспöлöс мича. Тулысын, кор сöмын ловзöны пуяс да заводитöны вежöдны видзяс, Мутнича ставнас быттьö ловзö. Сиктса йöз радейтöны ассьыныс оланінсö, и сы вöсна, сöмын на сылас лым, заводитöны зіля пелькöдчыны керкаяс гөгөр.



Серпасыс Крюкова Ксениялön

А мыйта пу быдмӧ керкаяс гӧгӧр: нинпуяс, пипуяс, ловпуяс, нияяс. Найӧ оз сӧмын мичмӧдны уличаяс, но быттӧ кӧсйӧны висътавыны сиктлӧн важ олӧм йылысь, сылысь уна нӧмся оландырсӧ.

Тулысын, кор заводитӧны дзоридзавны льӧм пуяс, гортӧ пырны ньӧти абу окота. Лов тырӧн кыскан сынӧдсьыс чӧскыд кӧрсӧ, юрыд дурмылӧ.

А кутшӧм мича гожӧмын миян сиктным! Зіль нывбабаяс керка водзын быдтӧны дзоридзьяс. Виж, гӧрд, лӧз сера ӧшинь увъясыс, быттӧ мича сера ситеч дӧраяс. Сӧр арӧдз татшӧм серпас гажӧдӧ миянлысь син.

Зонпосни радейтӧны ветлӧдлыны ю дорӧ купайтчыны, кыйны чери. Верстӧджыкъяс ытшкӧны да пуктӧны зорӧдъясӧ турун, дзоньтасьӧны керкаяс дорын, вӧчӧны быдсяма удж. Томджыкъяс рыт-рыт гозйӧн ветлӧдлӧны сиктӧд. Позьӧ кывны и гудӧк шы. Зӧв любӧ ветлӧдлыны татшӧм мича уличаясӧд.

Арын Мутнича аслыспӧлӧс мича. Пуяс заводитӧны вежны эшкынсӧ, гӧрдӧдӧны, вижӧдӧны.

Ывлаын челядълӧн сӧльгыс гӧлӧсьяс заводитӧны кывны гежӧдджыка, сы вӧсна мый помасьӧны каникулъяс, и челядь пуксьӧны партаяс сайӧ. А школа миян сулалӧ сикт помын, школа гӧгӧр сад. Важӧн тані вӧлӧма вичко. Поплӧн корӧм серти Вяткаысь вайӧмаӧсь суспу, ниа, тополь, яблоня... Найӧ и ӧні гажӧдӧны миянӧс!

Лым усьӧм бӧрын миян сикт бара вежсьӧ. Сӧр арся ният бӧрын гӧгӧр еджӧдӧ.

А кутшӧм мичаӧн кажитчӧны Мутничаын уличаяс, кор пуяс гыӧртӧмаӧсь, и шонді водзын дзиркъялӧны лым чиръяс.

Быд кадӧ ме радейта ассым сиктӧс, и тӧда, мый сийӧ менӧ пыр виччысь гортӧ. Ме рад, мый тайӧ сиктас олӧны зӧв киподтуя, бур сьӧлӧма, ӧта-мӧдӧс пыдди пуктысь йӧз. Пыран кӧ кодкӧ ордӧ, пыр жӧ чӧсмӧдласны пӧсь шаньга-пирӧгъясӧн, юктӧдасны пӧсь тшайӧн да пӧттӧдз варовитасны олӧм-вылӧм йылысь.

Курочкина Юлия

Кулёмдін районса Помёсдін сикт

Төв

Коми муё воис төв.
Воддза серти куим пөв
Содіс көдзыдыслөн выныс —
Мусё-васё дорис кыныс.
Енэж вывсянь лымйыс усьё...
Эшкын улын муыс узьё...
Ставсё веніс воысь төв.
Луныс чиніс куим пөв.



Серпасыс Микушева Владалён

Бур да сөдз

Дона, муса коми кыв —
Радейтана менам...
Мыла... Сэтшөмсö он кыв...
Ставсö тэкöд венам.

Коми кывйыд — сöstöм ва.
Сөдз да югыд сійö,
Бытьö тувсов зарава...
Эн дышöдчы, вийöд!

Коми кывйыд — бытьö мам.
Сійö меным колö.
Мелі, вежавидзысь, рам...
Дыр мед сөвмö-олö.

Чужан му

Мыйла муса да зэв дона
Меным чужан му?
Тані коми войтыр олö!
Тані – коми ру!

Липин Алексей

Изъва районса Бакур грезд

Төв

Бара воис муса төв,
Гожом быттьö эз и вöв.
Ывла челядь горөн шызьö,
Коді даддьон, коді лызьон.
Ставон иславны нин дасьöсь,
Петöмаöсь шоныд пася.



Серпасыс
Савчук Татьяналөн

Сӱмын ывла пемдандор.
Мамныс чукӱстыштас кор,
Войтыр разӱдчӱны гортас,
Медым паччӱр найӱс шонтас.
Аски бара пуксяс лун,
Но, а кольӱмыс оз вун.

Ывла

Ывла вылын мича лун:
Шоныд, гажа, югыз.
Кызди котравны он мун,
Горӱдас кӱ другыз.
Котраланныд кыкӱн дыр,
Даддӱн исласянныд.
Кытчӱдз эбӱснӱд оз быр,
Лымйӱн шыбласянныд.
Гортӱ мунны он тӱрмась,
Кытчӱдз оз кор мамыд.
Кӱтасьӱма кӱм и пась —
Абу казавлӱмыд.
Помасьӱ нин шойччан лун.
Аски — бара школа.
Вежон мысти ӱртӱс ме
Котравнысӱ кора.

Макарова Анна

Көрткерөс районса Зулөб грезд

Зулөб грезд

Зулөб грездным миян гажа,
Тані шлывгө Зулөб ю.
Бөрын уна коз да пожом,
Звер да пөтка, көч да ур.
Сиктын олөмыс пыр пуө,
Уджалөны дзор и том.
Кутшөм гажа чужан муөй,
Сыысь гажасө ог кор!



Серпасыс Кардимонов Александрлөн

Коми му

Коми муӧй, съӧлӧмшӧрӧй!
Менам тэрыб паськыд ю.
Менам дона парма-вӧрӧй,
Сиктса йӧзлӧн коми ру.

Вокъяс зільӧсь чери кыйны,
Пуны чӧскыд юква шyd.
Дзоридз ӧктӧны том нывъяс,
Юркытш кыӧны быд рыт.

Сиктын уджыс пуӧ яра —
Уджалӧны дзор и том,
Челядь ворсӧдчӧны бара,
Керка видзӧ кыйсьысь пон.

Арыс сетӧ тшақ да вотӧс.
Тӧлыс исласьӧдӧ пыр.
Гожӧм югоръясӧн сотӧ.
Тулыс зараваӧн тыр.

Сиктын ок и гажа овны,
Зыртны лым да сӧйны рок.
Тані сьылӧ коми лолӧй,
Тані быдӧн чой да вок!

Макарова Виктория

Көрткерөс районуна Вильяб грезд

* * *

Кодзувъяс öйисны, юр весьтö öшйисны.
Кисö мем мыччисны, сёрнитны көсйисны.
Тöлыськөд ворсісны нюмъялігтыр,
Кусісны-бырисны коркө... Дзик пыр
Лои мем гажтөм... Пырысьтөм-пыр
Котөрті гортö. Мөвпала дыр:
Көні нин кодзувъяс, мыйсö нö вöчöны?
Узьöны? Шойччöны? Енэжын вöччöны?
Вольпасьö воді, синъясöс куни,
Чайтсис, мый накөд байтны куті.
Лои ме шуда кодзула войö.
Вөтъясөн енэжас на дінөдз вои.



*Серпасыс
Рафикова Шохсанамлөн*

* * *

Небыдик лым усьö
Еджыдик енэжысь
Мичаник лунö —
Небыдик вата кодъ,
Еджыдик байдöг кодъ,
Мичаник нывка кодъ.
Усьö и мöвпалö:
Кытчö ме воа
Шоныдик лунö,
Вевття ме муяс,
Юяс да туйяс,
Дзоридзьяс, пуяс.
Шебрала мусö,
Югзьöда лунсö
Тöвся лөнъ кадö...

* * *

Олöмыс лöсьыда визувтö водзö,
Быттьöкö ньöжйöник шлывгö лөнъ ю.
Кодöскö крукыштö, кодöскö вöйтö,
Кодлыкö сетö шуда кузь туй.
Овлö и сідзи — сьöлöмлы сьöкыд,
Сідз жö и мöдарö, вывтi нин рад.
Донаöй, бура да лöсьыда овны
Миянлы колö бур сьöлöм да сям.
Кужин мед серавны, радлыны быдөнлы,
Воштыны, радейтны, отсавны йöзыслы.
Кужин мед прöщайтны, дорйыны омöльсьыс,
Уджавны сяммыны, кужин и шойччыны.
Донаöй, ёртöй, тöд век, мый олöмлы
Колö пыр нюмъявны, радлыны, серавны.
Сэки и олöмыс нюмъялас тэныд...
Шуда да дзоридза лоас кузь нэмыд.

Макарова Ольга

Көрткерөс районса Зулөб грезд

* * *

Көдзыд төлыд муса ань кодь,
Чужомбаныс дзик чим гөрд.
Вылас — мича еджыд платтё,
Нимкодясьнытё он пөт.

Шылькнитас да лымнас тупкас
Паськыд юсö, помтөм вөр.
Быдөн лыжи вылө сувтас —
Некод көдзыдысь оз бөрд!



*Серпасыс
Малютина Анастасиялөн*

Зарни шонді

Зарни шонді, мича ныв,
Енэж сайё дзебсис.
Менсьым сылёмөс оз кыв,
Сывйыштны оз сетчы.
Оз и мыччысь, оз и пет,
Гажой быри ёна.
Шоньд нюмтё меным сет,
Югоръястё кояв.

* * *

Воас гажа тулыс,
Шонді лоас пым.
Сийё сывдас-нюлас
Еджыд пушыд лым.
Шонді, дзирдав яра!
Шонты кынмём му.
Медым ловзяс бара
Менам чужан му!

Макарова Юлия

Көрткерөс районса Вильыб грезд

Ар

Арыс абу гажтөм:
Небыд төлөн вашкө,
Зарни корөн кисьтө,
Шоныд зэрөн письтө.

Лымморт

Омөля шонтө —
Пуксьома төв.
Гуляйтны понді,
Ог пукав чөв.

Лымморт ме вөча.
Ок, кутшөм мича!
Лыммортсө көдзыд
Тулысөдз видзас.

Лызь вылө сувта,
Котөрта яра.
Төвлы ме кута
Нюмъявны бара!

Серпасыс Павлова Полиналөн

Катшасин

Лудын быдмӧ катшасин,
Мича сылӧн югыд син.
Катшасинысь юркытш кыа,
Пета ывлаӧ да сыла.



Серпасыс
Крюкова Ксениялӧн

Мам — сьөлөмлы медмуса кыв

Ме чайта, мый медся мича, медся радейтана, сьөлөм кыпөдана кывнас коми кывйын лоо «мам» кыв. Мам — сьөлөмлы медмуса морт. Мам — тайо морт, коді радейтө да төждысьо тэ вөсна. Мамыд тэнө радейтис нин сэк, кор тэ вөлін сылөн сьөлөм улас!

Сэк нин тэ, сьөлөм улас йөршитчөмөн, көть и нинөм эн гөгөрво, но век жө кылін мамыдлысь сёрнисө, мелі кывъяссө...

Сэк нин тэ велөдчин радейтны мамтө, батытө, чужан мутө... ставсө и ставнысө...

Сэк нин тэ төдмалін, мый сэтшөмыс бур да лёк...

Мам сетис тэныд олөм, видзис, быдтис...

Та понда колө быд лун матыстчывны мам дорад да шуны: «Мам, аттё тэныд ставсьыс. Ме тэнө зэв ёна радейта...»

Некор эн вунөд мамтө. Весиг сэк, кор ачид лоан мамөн либө батыөн, эн вунөд, пырав, муөдз копытчы мамлы, медмуса мортлы. Мортлы, коді юксис аслас сьөлөмнас, кор тэ чужин...

Мамлөн небыд малыштөмыс шонтө.

Гажа сёрнитөмыс видзө ловтө.

Югид видзөдлассьыс сьөлөм сьылө.

Мамсыд медся ёна гажыд бырлө.

Мишарина Полина

Көрткерөс районса Вильыб грезд

* * *

Видзёда ме өшиньё —
Югыд төлысь петё.
Кодзувъясөн-синъясөн
Синмасьыштас мекөд.

Кор нин воас асылыс,
Шонді вылө качас.
Лөня узьысь нывкаос
Вольпасьысь на аддзас.

* * *

Өдйө шуркъя лыжи вылын,
Лымйыс кайö вылө-вылө.
Тайö Көдзыд пöльлөн козин...
Төвбыд гажөдчыны позьö!

Серпасыс

Антоновская Александралён



Ненева Евгения

Корткерос районса Шойнаты сикт

Пон да кань

Аслас чомйын куйлӧ пон,
Увтӧмыслы абу пом.
Быд лун йирӧ вема лы,
Оз сет сийӧс ракалы.

Тӧдтӧм каньӧс увтӧ пон:
— Менам гортӧ он пыр, он!
Увта быдӧнӧс ме гора,
Тадзи кӧзяинӧс кора.

— Тӧян ордӧ от и пыр,
Карын ола зӧв нин дыр.
Мый ме сиктад вӧчны кута,
Регыд карӧ-гортӧ тута.

Тӧнӧ оз лӧдз крепыд дом.
Ланьтлы каличавны вом...
Карса каньыд тӧдӧ донтӧ,
Вомаліс тай сиктса понтӧ!

Мам

Топӧдча ме мамук бердӧ,
Школа йылысь сёрнитам.
Шонді вӧртас сайӧ бердӧ,
Варовитам сёр рытӧдз.

Кывбуръясӧс батысь гусьӧн
Мамӧлы ме шӧпкӧда.
Сійӧ менӧ кывзас сюся,
Кутлас менӧ топыда.

Лыддяс кывбуръясӧс мамӧ,
Малалыштас менсьым юр,
Сэсся шуас меным рама:
«Кывбуръясид, нылук, бур».



Серпасыс
Антоновская Александралӧн

Нефёдова Виктория

Емдін районса Кӧжмудор сикт

Дзоридз

Быдмӧ дзоридз, кодлӧн сійӧ?
Мыйла ловзьӧ, мыйла сылӧ?
Мыйла корнас менӧ корӧ?
Мыйла ышловзьыштӧ нора?
Мыйла зэркӧд ӧтув бӧрдӧ?
Мыйла мичлуныс оз бердлы?
Мыйла тадзи ме ог вермы?
Муса дзоридз, висътав, кевма.



Серпасыс
Козловская Маргариталӧн



Гөгөр быдмө сьод вөр, но сійо оз повзьодлы. Мөдарө, уна буртор козь-
налө миянлы, Енлөн пиянлы. Дась дзебны лёк кадө да сетны лача. Сійо
вөрас, код пөлөн кывтө сөдз ю, быдмө-лолалө дзоридз. Ортсысянныс гөрдов,
а пытшкөсыс кольквиж. Дзоридз бергөдчөма шонділань да быттё сёрнитө
сыкөд, юксьө гусяторъяснас. Быд асыв шонді козьналө сылы югөръяссө да
вашкөдө: «Садьмы, донаой, асыв локтис». А рытнас шуө: «Бура узь, зар-
нийой менам». Лун чөж югъялө дзоридз, сявкйөдлө радлунсө да нюмсө йөзлы.
Быд ветлысь-мунысь пуксьылө сы дорө да юксьө шогнас, юасьө, кызди
водзө овны. Дзоридз нинөм воча оз шу, а сөмын козьналө ассьыс нюмсө. И
мортыслы лоө кокньыджык...

Но йөзыс регыдъя кадөн мыйлакө лёкмисны. Локтасны дзоридз дорө да
сөмын лёксө лэдзёны сы вылө. А сэсся и дзикөдз дугдісны воливлыны.
Гашкө, воштисны бур олөм вылө лачасө и эз төдны, мый водзө вөчны, а
дзоридз вынлы эз нин эскыны. И сьөлөмныс пондіс вочасөн измыны.
А дзоридз мөдіс нярмыны. Сійо некодлы нин эз козьнав ассьыс радлунсө,
некодлы. Сэсся и дзикөдз косьмис. Шонділы лои некодкөд сёрнитны...
А водзө нө мый лоө, Енмө?!

Чужан кыв

Сытөг сьөлөм бөрдө нора.
Ва моз колө сійо мен.
Морөс доймө, ог кө лолав
Аслам чужан кывйөн ме.
Чужан кывйөн ставсө верма.
Муна водзө лёксө веніг,
Муна сьökыд нопйөс босьтіг,
Сьөлөм өдзөс сыкөд восьта.

Пахнёва Яна

Удора районса Пöлянин грезд

Чужан мулөн мич

Радейта ме тәнö, ас чужан муöй!
Муна көть мөд муö — тэ дiнын думöй.
Гаж бырö, сьолөм пыр көсйөдö бордны,
Мый понда — ог вермы некыдзи тöдны...

В. А. Савин

Тайö кывъяссö окота меным быд пöрйö горöдны, кор локта вежон помын интернатысь аслам ичотик грездö — Пöлянинö. Век быттö выль синмөн аддза муса грездöс. Видзöда гөгөрбок: мый вежсис, көнi мый выльтор лоис, а кытi мөдарö — мыйкö важмис, пöрысьмис, омöльтчис...

Со восьлала да нимкодья чужан мулөн мичлуннас.

Менам медся радейтана кад — тулыс. Кажитчö, мый кузь тöлыс некор оз помассы. Тайö абу сiдз. Вөр-валөн аслас оланног. Быд во колана кадö, колана инö игөдчö тулыс. Гөгөр ловзьö, гораммö. Медводдза шондi югөръяс ёрöны синнымöс, писькөс ракаяс чолөмасьöны миянкөд, оз нин дзебсясьны овтöм оланiнъясын. Йöз пөрччалöны шапка, быттö төвбыдъя узьöм бöрын унзильсö шыбитöны. Сылö лым. Тувсовъя шоръяс гажөдöны сиктса лөнъ рытъяс асланыс шыөн. Радейта кывзыны войтвалысь тёпкөм, тельгысь шысö шорлысь. Тшöкыда пукавлывла Ыб кыр вылын да видзöда Мозын ю вывтi кывтысь йи пластъяс вылö, кыдзи найö вермасьöны öта-мöдыскөд. Ывла шондөдö. Пуяс вылын потласьöны гаръяс. Радейта ветлывлыны Дзиб ёль дорö. Кутшöм гөгөр мича! Пуяс вылын сьылöны лунвылысь воём лэбачъяс, гажөдöны миянöс асланыс мыла сьыланөн. Неуна сулалышта, кывышта ёльлысь жургөмсö, чöсмасьышта ма кодъ чöскыд ванас.

Регыд нин гожöм. Меным сэтшöм окота мунны вөрö чөд вотны. Маша бабö петкөдлiс нин ассьыс гуся местаяссö, вотöсаинъяссö. Пыран вöрас да аддзан гырысь чөд — личкöма нин коръяссö. Босьтан вомад да сэтшöм чöскыд, сакарысь на юмов. Ылысянь тыдовтчöны пув розъяс. Паськыд

шляпаа гөрд гобъяс, ельдөгъяс, сідзи и вөзйысьёны пестерад. Кывзышта сизылысь клёнгөмсö, вөрлысь шувгөмсö. Чөдъя раскын öдйö и тырö ведра-ыд, а гортын ставным чöсмасям чөдъя йöлөн.

Гөжөмыс зэв öдйö кольö, а сы бöрын локтö ар. А кутшöм жö гажа арся вöрад! Каян Дзиб кыр йылö, сөсянь зэв бура тыдалö, кызди пуяс заводитö-ны вежлавны ассыныс турунвиж платтьöяснысö виж да гөрд былö, кызди вөр-ва пöртмасьö зарниөн. А турипувийыс нюрын мыйта! Вотчан-заптысян во гөгөр кежлö тайö войвывса вотöснас.

Весиг төвнас чужаніной чуймөдö аслас мичлуннас. Ме пыр нимкодяся узыысь пуясөн, кывза налысь чöвлунсö. Неуна инмөдчыла на дорö, вылысам киссяс небыд лымйыс... А радлуныд мыйта! Ме көсья, мед тайö мичлуныс некор оз кус! Мед эз бырöдны грезд гөгөр кытшалысь вöрсö! Мед эськö уна нэм олас Пöлянин грездöй! Радейта ме тэнö, ас чужан муый!



Серпасыс Павлова Полиналөн

Старцева Полина

Көрткерөс районса Ыджыдвидз сикт

Зарни шонді

Зарни шонді дзирдалө,
Ышмөм синнас ёрө,
Чужөмбанөс донөдө,
Менө ворсны корө.

Вежсис ставыс ывлаын,
Лои лөнь да жар,
Ловзисны тай дзоридзьяс,
Быттьö уна шар.

Рам пу здукөн долыдмис,
Восьтис унзиль син.
Лэбач пуксис пу вылө,
Дзольгиг сыланкыв.

Вот өд кутшөм гожөмыд:
Югид, пөсь да шань.
Мен тэ, муса шондій,
Быттьö мелі ань!



Серпасыс
Савчук Татьяналөн

Шонді

Енэж вывті ветлөдлө
Зарни, мича шонді.
Нюмсö ассьяс петкөдлө,
Коми мусö шонтö.

Шондіыд өд радейтö
Муса коми йөзсö.
Югөръяснас гажөдö,
Беринъяссö вöзйö.

Ыджыдвидз

Ыджыдвидзным мян гажа,
Та йылысь ме тода важон.
Ошинь улын кисьмө оз,
Ворын быдмө лапъя коз.

Ваын уйö ыджыд сир,
Дзоридзалö катшасин.
Вөр-ва быдтор сетны дась,
Ог мун некытчö ме тась!

Луша кань

Турун пытшкын дзебсясьö
Менам Луша кань.
Бобув выlö видзöдö,
Кутны абу сям.
Пукалö да кыйöдчö,
Кытчöдз оз лэб мич.
Луша моз тэ нимкодясь,
Бобувъястö видз!



Серпасыс
Терешко Дарьялөн

* * *

Миян семья кужысь киа —
Быдтор вöчны артмö миян:
Турун куртны, видзны мös,
Гогнавны да тэчны тьös.
Зыртны лым да чегны ув,
Вотны тшак да турипув.
Уджысь оз ков некор повны —
Тадзи медся гажа овны.

Чöд

Вöрын быдмö чöд,
Сийö чöскыд, съöd.
Синмыс мукöд йöзлөн
Чöдъя рөмөн öзийö.

Корся юмов чöд,
Кывйöй лоö съöd.
Зіля вотча дыр,
Дозйöй лоас тыр.

Кöсьян сёйны, чукöрт,
Эм на вотös мукöд.
Сетö ставсö вөр,
Чöскыд сылөн көр.

Ульянова Нина

Удора районса Слөбөда сикт

Веж кудриа кыз

Миян Слөбөда сиктын, өти важ керка дорын, быдмө ыджыд кыз пу.
Тайо нуыс быдөнлы тодса. Керкаас важон нин некод оз ов, а нуыс сулалө,
видзö керкасö. Сийö быттьö век на кодöскö виччысьö...



Серпасыс Козловская Маргарита лөн

Водзынджык, кызди висьталёны пёрысь йёз, пуыс быдмёма абу ётнас. Пуяссё садитлёмаёсь, мед эз бужды шордорса берегыс. Но кызд пу вёлёма медъёнён да вынаён, та вёсна ётнас и кольёма.


Тырмё тані сылы и муыслён выныс, и сёстём ваыс, и шондіыс. Кыззлы, гашкё, сё во. Пуыслён кырсьыс уна вонад потласьёма, но съода-еджыда сарапаныс век на мича. Гожёмнас веж коръясыс кышакылёны, шёпкёдчёны ас костаныс. Арнас кызд пу зарниён лёсталё-сотчё, видзёдан, и синтё он вермы вештыны. Ёна жё нин мича тайё пуыс! А кызтаыссылён! Куим сывтыр. Ми ёртъяскёд куимён сывъялім сійёс, киным ёдва судзсис. Кор инмёдчан пу дііё, сулыштан здук, вир-яйнад кылан сылысь вынсё. Бура корёмён кызд пу быдёнлы отсалас. Дерт, унатор аддзыліс тайё пуыс ас нэмнас. Кужие кё сёрнитны, то мыйта эськё вермис миянлы висьтавыны... Ме думайта, сійё сюся видзёдё, мед Слобёда сиктын вёлі ставыс лючкиладнё. Ас ногыс миянёс видзё лёкысь. Кор муна тайё пу дортіыс, век сыкёд чолёмася. Думайта, и сійё менё кылё. Довкнитлас меным аслас кузь росьяснас. Сылы овлё нимкодъ да гажа, кор гожёмнас сиктса челядь волёны, пышъялёны, сьылёны сыгёгёр. Катшаяс да ракаяс пыр мыйкё видзёдёны пу йывсянь. А кымын ичёт лёбач пуксьылё ён росьяс вылас шойччыны, кор лёбёны лунвылё. «И ме верма на вайны кодлыкё отсёг и радлун, ме абу на дзик ковтём». Гашкё, тадз мёвпалё миян сиктса великан — кызд пу. Аттьё тэныд, веж кудриа кылдзёй! Сулав на дыр!

Уляшев Максим

Кулөмдин районса Бадьель грезд

Сиктын олөм

Чужан муой, пашкыр вөрөй...
Зумыш Парма — сьөлөмшөрөй!
Ыбьяс, юяс, вөр да... кымөр.
Тиянысь пыр гажой бырө.
Сиктад уджыд помся эм:
Мырсьылісны уна нәм!
Быд бур аньлөн — аслас верөс.
Быд семьяын — гортса пемөс.
Зіля ытшкөны веж турун:
Мегө-баля сетө вурун.
Төлын лөсьөдөны пес,
Мед кө вөрөдз — уна верст...
Юкмөс кудйысь сюрө ва:
Енмыс васө сетө на.
Мортлы отсөг сетө арыс:
Эмышт сьөла, эмышт тарыс...
Майбыр, гажа сиктса олөм!
Быд морт тані, грездын, колө.



Менам грездөй

Серпасыс
Савчук Татьяналөн

Менам грездөй — олан гажой.
Менам рөдвуж: бать да мам,
Пөчөй-пөльөй, чөйөй-вокөй...
Отув важөн олам тан.
Бадьель грездса паськыд ыбьяс
Менсьым содтөны век вын.

Сьөлөм ворсөдчө пыр, сьылө...
Абу чусыд. Абу кын.
Вермас лоны: вешъя ылө.
Но коть кытчө ме эг мун,
Чужан грездөй, Бадьельйылой,
Некор сьөлөмысь оз вун.

Коми морт

Коми — вежавидзысь морт.
Сылөн век зэв уна ёрт.
Коми мортыд корсьо удж:
Мёд ног овнысö оз куж.
Коми мортлөн — зарни ки,
Морös пыткас — кодзув би.
Ставсö вöчö коми морт.
Вөр-ваыс тай сылөн — ёрт.
Пестер кыас, пуктас чом...
Пырав татчö пöрысь-том!
Тöвнас заптас уна пес
(Мед кö ветлас уна верст).
Кадыс лоас — кыяс чери.
Пыр тай мыйкö вöчö-керö.

Парма

Помтöм-дортöм миян парма!
Сійö олö уна нэм.
Ловъя лолыс вöрас быдмö,
Лыдтöм пемöс ветлö сэн.
Кылан лэбачьяслысь шыяс.
Аддзан синнад асья ру.
Тані юяс, шоръяс, тыяс.
Тані лыдтöм-тшöттöм пу.
Парма вöрыс, зумыш вöрыс
Вöльнöй светас медся бур:
Сöстöм сынöдыслөн кöрыс
Быдсөн кольмöдыштö юр.

Уляшева Виктория

Кулөмдин районса Помөсдин сикт

Шуч, Шач, Шич да Шоч

Эскөй көть эн, но өтчюд вель ёсь вен кыптис нель тшөтка костын. Отиёс шуисны Шичөн, мөдөс Шочөн, коймөдөс Шучөн, а нельөдөс Шачөн. Олисны найо комын арёса Иван Ольо керкаын.

— Ме тані — медся колана тшөткаыс! — горзис Шич. — Буретш ме отсөгөн Ольо көзяинным ассьыс паськөмсө няйтысь да бусысь весалё. Быд лун тай мено кияс босьглө, мукөддырий — некимынысь на. Оз вунөд, майбыр! Вот!

— А ме отсөгөн Ольөлөн кучик сапөгыс век югъялө. Оти бус чир абу! — ошйысис Шоч. — Видзөдлөй коркө көм вылас! Весиг синмыд радлө!

— А метөг ті эськө тайо керкаас ёгнас да буснас тыринныд! — суйсис сёрнио Шуч. — Видзөдлөй, кутшөм сөстөм Ольөлөн керка пытшкыс. Чайтанныд, ставыс сідз артмө? Оз тай! Видлөй джоджтө лөп-ёгысь весавны!

— Кывзöй, ёртъяс! — шыөдчис медбөрын Шач. — Ме тані колана жө! Эг кө вөв, важөн нин эськө Ольөлөн став пиньыс киссис. Пинь весалан тшөтка-төгыд тай ни өти прамөй морт оз ов.

Вель ёна вензисны да тшөтясисны ас костаныс тшөткаяс.

Сэтчөдз, кытчөдз эз кыв налысь зыксө Ольо.

— Но и но... — нюммунис Иван Ольо. — Аддзөмныд тай, мыйысь вензыны! Ставныд ті меным коланныд, ставнытө тшөтш и пыдди пукта. Но төдөй, мый унатор морт сайын. Дыш кө да дурк ме вөлі — некутшөм тшөтка эськө меным эз ковмы. А ме сөстөмлунтө ичөтсянь радейта.

Сөгласө воисны тшөткаяс. Радлисны, мый татшөм морт дорө веськалисны. И сэксянь сэсся некор нин эз вензывлыны. Мый юкнысө, кор ставыс тыр-бур да гөгөрвоана.

Рочасьысь Кӧч

Оліс-выліс Кӧч. Гожӧмнас рӧмыс руд, тӧвнас — еджыд. Войвывса пемӧс. Комиӧн сёрнитӧ. Но ӧтчыд сійӧ паныдасьліс шоныд муясысь воӧм Руд Кӧчкӧд да сысянь рочӧн сёрнитны неуна велалыштӧс. И быттӧ прамӧймис миян Кӧчным, мукӧддырйи и юрсӧ на вылӧ лӧпталӧ!

Отчыд сійӧ паныдасис Ручкӧд.

— Чолӧм, Кӧчиль! Кытчӧ нин мӧдіи? — юасьӧ комиӧн Руч.

А Кӧчыд воча рочасьӧ:

— Я просто так гуляю! Вот так!

Ручыд Кӧчтӧ эз гӧгӧрво, чуймӧмпырысь кыйкнитліс руд гӧна вылӧ, да и боко кечис, аслас туйӧд мунӧс.



Серпасыс Курило Лилианалӧн

А Кӧч водзӧ тапйӧ. Паньдасис Ошкӧд.

— Чолӧм, кузь пель! — шуӧ Ошкыд. А мӧдыс бара рочасьӧ, мыйкӧ ас ногыс вомгорулас сёрнитӧ. Чуймис Ош, ышловзис, лапанас ӧвтыштӧс да водзӧ мунӧс.

— Мыйкӧ талун мекӧд некод сёрнитны оз кӧсйы, — балябӧжсӧ гыжъялӧ Кӧч. — Мый нӧ лоӧмаӧсь?

Коз улӧ дзебсис. Видзӧдӧ: орчча пу вылын дзормӧм Сюзь пукалӧ. Дыркодъ аслас кӧдзыд синъяснас Сюзьыд видзӧдӧс Кӧч былӧ, а сӧсся шуис жӧ:

— Мый нӧ рочасян, торксин али мый? Ставсӧ ӧд кывлӧ! Тӧ кӧнӧ олан, еджыд гӧн, он али мый Войвыв пармаын? А танӧ став звер-пӧткаыс сёрнитӧны комиӧн. Куим кыв кӧ рочӧн тӧдан, ачыд эн на вежсьы, и мӧд гӧн тӧныд таысь оз пет. Кӧчӧн вӧлӧн, кӧчӧн и колян!

Дӧзмис Сюзь былӧ Кӧчыд и комиӧн шуӧ:

— Кыдзи кӧсья, сӧдзи и сёрнита! Кужа да! Абу мыжа ме, мый мукӧдыс оз гӧгӧрвоны. Роч кывтӧ дыш налы велӧдны!

Вель дыр Сюзь видзӧдӧс Кӧч былӧ. Сӧсся веськодъпырысь шуис:

— Пельыд кузь, а юр вежӧрыд истӧг йыв кузьта. Кодӧ ассъыс чужан кывсӧ мӧд кыв былӧ вежас? Африкаӧ кӧ тӧнӧ шыбитасны, крокодил либӧ бегемот дорӧ, сӧки быть велӧдчы на ног сёрнитны, а то сӧясны. А танӧ тӧнӧ и сӧдз гӧгӧрвоӧны. Кутан кӧ вывтӧасьны — тӧкӧд ставныс дугдасны сёрнитны.

Яндзим лои Кӧчлы. Юрсӧ лӧдзис да руч дорӧ мунӧс, шыасис комиӧн:

— Видза олан, Ручӧ-чойӧй!

— Чолӧм, чолӧм, Кӧчиль, — нюммунӧс Руч.

Чуксалӧс Кӧч Ошкӧс:

— Чолӧм, Микайлӧ дядь! Кыдзи олан-вылан?

— Бур лун, Кӧчиль! А, лун да вой, кыдз шуласны...

Долыд лои Кӧчлы. Быттӧ гӧгӧр югзис. Сӧксянь сӧсся эз нин рочасьлы. Ас чужан кывйыс тырмымӧн вӧлӧ.

Черных Юлия

Луздор районса Мутнича сикт

Вөрса ёртъяслы отсӧг

Шойччан лунӧ бать-мамкӧд мӧдӧдчи вӧрӧ. Арся вӧрыд озыр тшакӧн. А кутшӧм мичаӧсь сулалӧны пуяс! Сьӧлӧмын помтӧм радлун! Вӧрӧ пыртӧдз пӧттӧдз любуйтчи тайӧ мичлуннас, кажитчӧ, став йылысь вунӧдлі.

Со и медводдза пуяс. Дзик пыр аддзи масленик, уртшак. Пырыштӧ пы-дӧджык вӧрӧ да аддзи вит гӧрд гоб. Сулалӧсны кыз-кыз кокаӧсь, чим гӧрд шляпааӧсь да быттӧ и копрасисны ме водзын, босьт пӧ.

Ме котралӧ тшаксянь тшакӧдз да зэв ӧдйӧ и тыртӧ кӧрзинаӧс.



Серпасыс

Омелина Викторьялон

Но, друг, мый тайо? Воча петісны көч да ур. Найо вёліны сэтшөм шогось.

— О, вөрса ёртъяс, мый нө ті татшөм жугыльось?

— Кыдзи нө миянлы не шогсьыны, — заводитіс висьтавыны ур. — Төрыт петі гортысь да видзёда, сиктса челядь локтісны вөрө, вёчисны бипур, пусисны-тшакуйтісны да и мөдөдчисны гортаныс. Бипурсө вунөдісны кусөдны. А войнас бура уна пу сотчис. А сәні, пуяс вылын, сёян вөлі заптөма төв кежлө. Кыдзи нө, висьтав, муса нывка, өні менам семьяөй кутас төвйыны?

— Эн бөрд, напкыр бөж. Видзөд, мыйта менам тшакыс, вай өшлам пуяс вылө. Ме таво тшаксө уна нин новлі. А тәнад, көчильөй, табъя кок, мый лапавыдкөд?

— Менам семья ыджыд. Колө челядьлы уна сёян. Гөтырлы некор, сійө быдтысьө. Мөдөдчи корсьны пажын, а тані сиктса йөз мыйсө сөмын абу шыблалөмаось: кансер банкаяс, киссьөм тазъяс, жугалөм стеклө, розя ведраяс да сапөгъяс. Ме и вундыси сім банкаө. Лапаөй кутіс висьны, пыктіс, да муса гөтырөй лапкор гартіс.

— Эн шогсьөй, вөрса ёртъяс. Ми мыйкө пырысь-пыр гортсаяскөд думыштам.

И друг нывка кыліс бать-мамлысь чуксалөм.

— Ме тані, тані, батьөй, мамөй, — горөдіс нывка да котөрөн петіс вөрысь, сәсся ставсө висьталіс, мый аддзыліс вөрын.

Бать и шуис:

— Вай ми, дона гөтырөй, тшөтш отсыштам вөрса олысьяслы, — да тэрыба кутіс өшөдлыны пуяс вылө тшакъяс.

А аскинас ми ёртъяскөд да ыджыдъяскөд лунтыр ветлөдлім вөрті да идралім сійөс йөзөн шыблалөм ёгысь.

Чупрова Галина

Изъва районса Сизяб сикт

Регыд пуксяс төв

Ньөжйö сапкö-усьö лым,
Медводз таво выlö.
Кöдзыд төвлөн локтан шы
Кöнкö матын кылö.
Ньөжйö усьö-усьö лым,
Бытьö енэж воссис.
Вöрыс-муыс гөгöрбок
Оти здукөн вежсис.
Бытьö мича-мича ныв
Төвся мойдысь петіс —
Арся няйтсö пырысь-пыр
Еджыд лымнас вевттис.
Ньөжйö сапкö-усьö лым,
Ва му выlö усьö.
Сідзкö, регыд пуксяс төв,
Йöз костын тадз шусьö.

* * *

— Мада көръясöй,
Тэрыб кокъясöй,
Кöні вöлінныд?
Кысянь локтінныд?

— Войвыв саридзлөн
Сола ваясын
Кокöс бурдöдім,
Бура шойччыштім.

Сэсса гортланьö
Бара мөдөдчим.
Чужан муөдз тай
Ёна на кыскö.

Паськыд тундраын
Уна ва гөпъяс,
Визув ю-шоръяс,
Мича мусюръяс.


Ставсö тайöс ми
Вермим, вуджалім.
Сизяыб сиктö
Гөсьтöс вайөдім!



Серпасыс Мойсеенко Анналон

Шахова Мария

Кулөмдин районса Кекур грезд



Челядьдыр

Майбырөй дай, челядьдырөй!
Кытчө вошин, кытчө сылін?
Кутшөм ләбулө нө пырин?
Зэв тай регидик тэ кылін.

Майбырөй дай, челядьдырөй!
Тэысь бурджык кад оз овлы.
Эськө, позис кө, ме пыр на
Көса помын бантик новлі.

*Серпасыс
Савчук Татьяналөн*

Колип

Эжва дорын колип сьылö,
Сылön сьылöм ылöдз кылö.
Эжва дорын чери кыям,
Кылам вөрлысь-валысь шыяс.
Колипыс моз асьным сьылам,
Лöсьыд лои сьölöм вылын.

* * *

Синва оз доршась, и нюмöй оз пет —
Сьölöмöс небзьöдны сылы эг сет.
Сьölöмöй чорзьöма, сьölöмöй кын,
Шоныда тпкыны вошöма вын.

Сьölöмöй жугалис. Мыйла? Ог тöд.
Сьölöмöс жугöдис кодкö мöд.
Чепöльтис, шамыртіс, чегис кык пöv...
Татшöмön сьölöмöй некор эз вöv.

Синва оз доршась, и нюмöй оз пет
Сьölöмöс небзьöдны сылы эг сет.
Тадзи мед кольö, вежны оз ков:
Нинöмысь чорзьöдöм сьölöм оз пов.

Чужанінӧй

Сиктлӧн помын, нӧрыс бердын,
Важӧн бипур ыпъялӧ.
Медся гажа чужанінын,
Тані лолыд кыпалӧ.

Лунсянь войӧдз йӧръяс костын
Посни войтыр котралӧ.
Медся долыд чужанінын,
Муса морт кор окалӧ.

Эжва юӧй, гулыд ягӧй,
Мыла шылад ливкйӧдлӧй!
Мед жӧ нэмыс чужанінкӧд
Пырам топыд йитӧдӧ!

Сьӧлӧм бердын

Сиктлӧн дона увтасыс и кырйыс,
Муса орчча парма-вӧрлӧн мич.
Вежӧрын на, кыдзи ичӧтдырйи
Аддзи уна дзоридзьяса видз.

Ставыс тайӧ сьӧлӧм бердын олӧ,
Тайӧ менам некор дзик оз вун.
Ставыс тайӧ меным сідз жӧ колӧ,
Кыдзи арын шоньд гожся лун.

Ширяева Марина

Көрткерөс районса Шойнаты сикт

Аддзысьлытөдз, төв!

Төв пом. Виччысям лым сылом, шондөдөм. Мен окота, мед өдйөджык воас тулыс. Мед чепөсьясны пуяслон медводдза корьяс...

Гоз-мөд лун сайын өна турөбаліс. Ывла вылын — син ни пель! Пөльтіс чизыр төв, кок йывсьыд видзөдіс уськөдны. Гөгөр тыртіс лымйөн — горт-

сьыд петны он вермы. Зыртчан удж сюрліс ставлы. Тайө төв ас йывсьыс сетө төдны, оз на көйы бур ногон мунны.

А талун... Дивө да и сөмын! Став сьөлөмсяньыс дзирдалө шонді, весиг синтө ёрө. Сы выйөдз югыд, мый дыр видзөдөмысь синмыд пондө доймыны. Югыдлунсө нөшта сетө вильөн усьом лым, коді сы выйөдз еджыд, мый весиг дзирдалө. Лымйыс сөмын на мыськөм сөстөм шебрас кодь. Видзөдан тайө серпас вылас да нимкодясян. Вильөн пуксьөм төв! Да, дзик төвся серпас. Сөмын югыд рөмыс унджык.

Вот татшөм төв пуксьывлө аслас бөрья здукьясө, аслас

прөщайтчан кадө. И ми шуам: «Аддзысьлытөдз, төв! Виччысям тэнө мөд во сөстөм лымнад, көдзыд сынөднад, збодер эбөснад!»



Серпасыс Можегова Юлиялөн

Юриндалысь

Водзкыт	3
Вавилова Виталина, Кӧрткерӧс районса Шойнаты сикт	4
Гилева Анастасия, Удора районса Важгорт сикт	5
Зайкова Татьяна, Кулӧмдін районса Мыс сикт	7
Иванова Виктория, Луздор районса Мутнича сикт	10
Игнатова Дария, Кулӧмдін районса Помӧсдін сикт	12
Игнатова Олимпиада, Кулӧмдін районса Помӧсдін сикт	15
Игушева Кристина, Кӧрткерӧс районса Бӧджыдвидз сикт	17
Косолапов Валерий, Луздор районса Мутнича сикт	18
Курочкина Юлия, Кулӧмдін районса Помӧсдін сикт	20
Липин Алексей, Изьва районса Бакур грезд	22
Макарова Анна, Кӧрткерӧс районса Зулӧб грезд	24
Макарова Виктория, Кӧрткерӧс районса Выльыб грезд	26
Макарова Ольга, Кӧрткерӧс районса Зулӧб грезд	28
Макарова Юлия, Кӧрткерӧс районса Выльыб грезд	30
Мишарина Полина, Кӧрткерӧс районса Выльыб грезд	33
Ненева Евгения, Кӧрткерӧс районса Шойнаты сикт	34

Нефёдова Виктория, Емдін районса Кожмудор сикт	36
Пахнёва Яна, Удора районса Пöлянин грезд	38
Старцева Полина, Корткерос районса Ыджыдвидз сикт	40
Ульянова Нина, Удора районса Слобода сикт	43
Уляшев Максим, Кулөмдін районса Бадъяль грезд	45
Уляшева Виктория, Кулөмдін районса Помосдін сикт	47
Черных Юлия, Луздор районса Мутнича сикт	50
Чупрова Галина, Изьва районса Сизяб сикт	52
Шахова Мария, Кулөмдін районса Кекур грезд	54
Ширяева Марина, Корткерос районса Шойнаты сикт	57

ГБУ РК "Национальная детская библиотека
Республики Коми им. С.Я. Маршака"

Литературно-художественное издание

ЛУКОШКО УЛЫБОК

На коми языке

Редактор – *Е. Е. Афанасьева*
Художественный редактор и макетирование – *Н. В. Вахнин*
Корректор – *Е. Е. Афанасьева*

Подписано к печати 05.12.2014. Формат 72×90^{1/4}₃₂
Бумага офсетная. Гарнитура «Komi SchoolBook»
Печать офсетная. Уч.-изд. л. 3,1. Усл.-печ. л. 6,05
Тираж 200 экз. Заказ № 6149

Отпечатано в ООО «Коми республиканская типография»
с дискет заказчика в полном соответствии с качеством
предоставленных материалов
167000, г. Сыктывкар, ул. В.Савина, 81